

**Dissertatio medica inauguralis de dysenteria / [John Howell].**

**Contributors**

Howell, John, 1777-1857.

**Publication/Creation**

Edinburgh : R. Allan, 1816]

**Persistent URL**

<https://wellcomecollection.org/works/ysmrjrqn>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

## DISSERTATIO MEDICA

INAUGURALIS,

DE

## D Y S E N T E R I A.

AUCTORE JOANNE HOWELL.




QUOTIES ab historico militari narrandæ veni-  
unt strages hujus pestis cruciantis horrificæ,  
cujus gressus rapidi egregia valde incepta,  
oppreserunt, magnos exercitus stupefecerunt?

Exodus illius tam pestiferus vel per se me  
satis excusaret, si rem adeo plurimis et majo-  
ribus auctoribus jampridem tractatam denuo  
retractaturus sim; utique cum sententiæ de  
natura ejus et curatione tam diversæ hactenus

[1816]


proferantur et affirmentur, atque hac discordia inter curantes intercedente, persuasissimum mihi habeo, tentamen ad morbum parentiorem reddendum, a professoribus hujus inclytæ academiæ benignis æqui bonique consultum iri.



## DEFINITIO.

QUUM ab hac modus curandi noster adeo multum regatur, quocunque vocabulum fallere mentem aut decipere hac in re tam momentosa potuisset admodum vitandum est. Vocabuli “Pyrexia Contagiosa” adjectio definitioni Dysenteriæ a Dr CULLENO, magnas controversias excitavit atque cum ab hoc nosologo egregio dissentire ausus sim, veritatis amore eodem quo et ipse tam dire meritoque laudatus est, ex toto impellor, ne morbum scilicet alias quam mihi visus est, exhiberem.

Cumque febris igitur Dysenteriam non perpetuo vel ex necesse comitetur, genereque suo variat pro locorum, rerumque circumstan-  
tium diversitate, sæpe inter morbum non amplius apparens, pars definitionis necessaria non esse potest, sed potius adventitia quasi morbum tamen exasperatura. Quod ex usu proprio hæc veræ esse didici, quodque scrip-  
torum maxime celebrium testimonium corro-  
boret, ut pyrexia contagiosa ex definitione CULLENI alioquin perspicua et accurata, prorsus expungerem, verbisque ejus subsequenti-  
bus describerem, mihi causa fuit, sic “ De-  
“ jectiones frequentes, mucosæ vel sanguino-  
“ lentæ, retentis plerumque fæcibus alvinis.”



## MORBI HISTORIA.

DYSENTERIA sæpissime in castris, in urbi-  
bus hoste obsessis, in classibus ac locis pallu-

dosis grassari solet, et in his locis morbus est epidemicus et nonnunquam valde exitiosus, præcipue in tempestatibus calidis et humidis. Exeunte æstate vel ineunte autumno frequen-  
tissime vigore solet, sed nullo tempore anni non evenit. Modo a pyrexia cum summa lassitudine, nausea, sapore amaro, cibi fastidio, et haud raro fellis vomitione incipit. Modo autem a signis Diarrhœa vel dejectionibus copiosis et biliosis exorditur; nonnunquam sub initium agrotans singultu afficitur, aut alvus præter naturam adstricta est, dum intestinorum flatus sævaque tormina lacerant. Morbus in plerisque exemplis a tenesmo, torminibus comitantibus ordiri solet. In quibusdam tormina quidem haud se ostendunt, sed tenesmus modo gravior, modo lenior, nunquam abest. Hæc symptomata, progrediente morbo, paulatim graviora fiunt. Qualiscunque sit forma quam morbus initio induat, dejectiones in omni exemplo eadem fere brevi evadunt, e spumoso quidem muco, sanguine plus minus

plerumque tincta, potissimum constant, color  
ac spissitudo varia est. Sanguis purus non-  
nunquam dejicitur, idque tanta copia ut æger  
in summo vitæ periculo versetur, interdum  
profecto moriatur. Paucis diebus a morbo  
inchoato, stercus non nisi scybalorum forma  
dejicitur, hoc quavis ratione evacuatum, tor-  
mina ac tenesimum quadantinus levat, levamen  
autem haud diu perstat. In quibusdam casi-  
bus moleculæ adipem vel caseum referentes  
et massulæ lymphæ coagulatæ, puri aut sanici  
putridæ admixtæ, dejiciuntur. Progrediente  
morbo, fellis vomitio, nausea, et sapor amarus  
subinde observantur. Si abdomen, in hoc  
morbi gradu, manu premitur, multum doloris  
sentitur, vultus summam anxietatem et ango-  
rem denotat, dolores diversarum abdominis  
partium flatu distenterum, sæpe torquent, et  
ad costas spurias adeo nonnunquam sœviunt,  
ut spirandi difficultatem fere inferant “ Cunc-  
“ tas vero dejectiones (inquit celeberrimus  
“ HOFFMANNUS) que sunt numerosissimæ et

“ antecedunt et comitantur et sequuntur crudi-  
“ delissima tormenta, non in uno loco fixa,  
“ sed per totum intestinorum canalem vago  
“ itinere progredientia, et sub quavis sede  
“ sentitur molestissimus omnium quasi visce-  
“ rum descensus.” Hoc modo plerumque  
progreditur Dysenteria cuius signa pro gravi-  
tate inflammationis aut febris comitantis plus  
minusve graviora ac varia sunt, et pro vario  
ægri habitu varium temporis spatium durant.  
Morbo inveterato ani prolapsus, ischuriam aut  
dysuriam comitatus, haud raro accidit. Py-  
rexia in quibusdam exemplis etiam ab initio  
oritur et per totum morbi decursum perstat;  
interdum vero, morbo provectione accenditur  
et a symptomatum vehementia pendens, pro  
vario eorum gradu nunc aucta nunc imminu-  
ta erit.

Formam Dysenteriæ simplicissimam atque  
varietates ab ea nascentes variis cœli, tempes-  
tatis, corporis proprietatibus tribuendæ sunt,

si non simul juncto cuidam morbo epidemicō; India Orientali e. g. cum jecinoris malis magis conjuncta sit, in fortioribus et robustis hominibus cum propensione ad plenitudinem majore, in solo madido cum febre remittente, vel intermittente, in locis demum confertis, mala ære perflatis, contagiosa, auctore Ill. GILBERTO BLANE aliisque optimis, fieri potest. Quando febris est levis aut nulla morbus per aliquot menses perstare nonnunquam solet, nonnunquam paucis diebus æger violentia inflammationis, signis gangrenæ cito supervenientibus, e medio rapitur. Aliis vero in casibus pyrexia, signis Dysenteriæ reliquis perstantibus, aut mitior evadit aut prorsus cessat. Alii somnolentia, alii vigilia pervicace, alii vero etiam ab initio convulsoribus afficiuntur. In quibusdam exemplis lenioribus delirium etiam morbi initio adest. Si morbus malignus futurus sit, lingua quæ initio muco albo obductæ fuerat, colorem nigricantem aut fuscum induit. Dentes crusta

nigra tegantur, cutis sit insigniter calida ac sicca, sitisque inexplebilis urget. His superveniunt maxime anxietatis sensus, delirium, petechiæ, interdum aphæ et convulsiones. In quibusdam casibus corpus marcescit et doles Rheumatismum simulantes in variis artuum, abdominisque partibus infestant; anxietas præcordia opprimit, cibum vel levissimum stomachus fastidit ac rejicit, tormina sæviora fiunt, nec dejectione mitigantur, quæ jam frequentior facta factorem intolerandum, præsertim si intestina gangræna afficiantur, undique diffundit. Hunc autem fatorem prægrediuntur interdum dejectiones olidæ nigræ cum sanie mixtæ; urina parca et ruberrima est. Jamque tormina, quæ antea summo cruciatu ægrum torquebant, cessant, arteriarum pulsus, ad initium morbi duri et citati, nunc debiles ac abnormes fiunt, urina et sedes, inscio ægro, elabuntur; respiratio est celeris et anxia, singultu frequente interrupta; sudor gelidus prorumpit, dysphagia accedit, oculi hebescunt,

extrema corporis frigent, visus imminuitur vel prorsus aboletur et mors tandem miseriis finem imponit.

### CADAVERUM INCISIO.

INTESTINA crassa ab hoc morbo potissimum afficiuntur, fere semper inflammatione aut gangræna. Colon ac rectum maxime et sæpiissime inflammata ac ulcerata et aliquando constricta inventa fuerunt, ut canalis fere oblitetur; tunicæ ipsorum præter naturam crassæ, nigræ et quasi putridæ fuerunt, tunica villosa exesa conspiciebatur. Intestina tenuia sibi invicem adhærere, illiumque ulceribus plurimis exiguis occupari visa sunt. Peritonæum justo crassius in quibusdam exemplis, intestinis adhærere compertum fuit.

Hepar colore mutato, durias quam in statu

naturali et magnitudine imminutum s<sup>e</sup>pe ob-servatur, sed interdum quoque moles ejus multum aucta fuit. Vesicula fellis fere acri bili plena reperta est. Plurimis in exemplis, Lienis, Pancreas glandulæque mesentericæ morbo afficiuntur quod nihilominus reperiri non crediderim nisi cum morbus diuturnus fuit. Aliis in exemplis dum ulcerationes innumeræ variis in partibus subsistere videntur, natura reparationem quæ quadam ex parte adjuvat nova et delicata membranula, per par-tes ulceratas interim obducta. Hæ carun-culæ, credere adducor quæ in Dysenteria non-nunquam dejiciuntur, tunicæque villosæ parti-culæ esse putantur, seipsa hujus novæ mem-branulæ portiones sunt, mixu ad dejiciendum, violentiore divulsæ et excretæ. Militi cuidam de Legione 61 ex longissima Dysenteria de-mum sanato, statimque casu quodam extincto, opus hoc salutare tam longe processerat, ut in colo atque recto membrana pollicis qua-

tuor longe fere continua reperta est, in aliis vero partibus plagæ illius discretæ videbantur.

CAUSÆ PRÆDISPONENTES.

SUNT omnia quæ corpus infirmant, præcipue autem videntur humor quovis modo applicatus, veluti ær humidus, vestes aut stragula humida; affectus animi deprimentes, jejuniū, morbi prægressi, liquorum inebriantium abusus, defatigatio; calor ingens, præcipue si humori conjungatur.

Æris calor intensor, quem frigus et algor nocturnus excipit, quòd sæpius in calidis quam frigidioribus regionibus, in æstivis quam hibernis mensibus sæviat, causa esse videtur. Fatigatio atque privatio vitæ militaris, negligentia qua seipsos aqua madentes curant, tempestatum vicissitudines quibus objiciuntur,

omnia milites ad hanc exercituum pestem  
exitiosissimam paratores reddunt.

~~~~~  
**CAUSÆ EXCITANTES.**

**CAUSÆ** Dysenteriæ excitantes ad Contagium  
frugum usum nimium, miasmata paludum,  
sudorem impeditum referri consueverunt.

*Contagium.*—Hoc quanquam multi causam  
morbi excitantem intellexerunt, fautoresque  
sibi et auctores optimos nactum fuerit, nihilo-  
minus testari me officium imperiose cogit, quod  
in prædictam opinionem multo propensior, cu-  
riose atque candide in hanc rem inquisivi ut  
veram detegerem, (atque hoc ubi quotidianus  
usus crebras occasiones amplas non præbuit)  
nunquam vel unum Dysenteriæ exemplum ad  
Contagium referre potui, quotcunque res si-  
mul ad ortum ejusdem conferri viderentur.  
Quamobrem potius crediderim, si quando hic

morbus contagious reperiatur, eum febrem  
Typhum tum comitari.


*Fructuum usus immodicus.—ZIMMERMAN,*  
MONRO, aliique hanc notionem manifeste re-  
futaverunt, fructum maturum non solum mor-  
bum præcavere, sed et induci, curationem  
adjuvare ostendentes. Quam minime quoque  
vera sit hæc sententia, demonstratur incolu-  
mitate qua milites nostri dum per vincas His-  
panicas iter facientes, uvas devorabant. Licet  
nemo inficias ire possit, ex iis plurimos, sive  
quod parum curiosi de earum maturitate fue-  
runt, sive quod copiam nimis magnam ad fa-  
mem compescendam ingurgitaverunt, Diarr-  
hœa et Cholera Morbo correptos fuisse.

*Miasmata Paludum.—Dysenteria intermit-  
tentibus ac remittentibus haud raro stipatur  
et in quibusdam exemplis remittentem vel  
tertianam mutari fertur. In hujusmodi exem-  
plis tertianarum paroxysmi dejectionibus ac*

sævis torminibus comitantur, quæ quidem res Intermittentes ac Dysenteriam easdem causas remotas videtur. Hæc opinio haud parum confirmatur eo quod in iisdem tempestatibus ac terræ locis contingunt. Haud ita facile tamen explicatu est, cur eadem exhalatio morbos tam dissimiles genuerit, neque Dysenteriæ naves in alto aggredientes, nimirum ubi causæ hujusmodi nullam vim exercere possunt, rationem reddere valebit; saepius quoque, hoc concessò, in plagis paludosis, quibus Intermittententes sæviunt, videre debuerit.

*Perspiratio Præfocata.*—Hæc causa esse frequentissima Dysenteriæ videtur, atque iis æris mutationibus, quibus milites tam perpetuo subjiciuntur, fere stipatur. Humor, qui multum confert, in omnibus locis paludosis scatet atque hic verisimile est, cur vaporess paludosi causæ Dysenteriæ credantur, in causis est. Æstu diei torrente, itineribusque longis, fatigantibus, perspiratio et secretio

bilis vehementer augetur, eoque facilius a frigoribus, humidis noctis, locis paludosis humi dormire vestitu, forsan madido, reprimitur. Sanguis sic in partes internas rejicitur, Hepatis functiones impediuntur, atque intestinorum fabrica tenella male habetur ab hoc, sanguinis per superficiem suam affluxu adventitio.



#### CAUSA PROXIMA.

NULLIS ratiocinationis de hac re ambigibus initis, si nobiscum brevi reputemus varia signa morbum comitantia, statum partium quem dissectio patefacit, prouidemus inflammationem membranæ internæ seu mucosæ intestinorum, præcipueque Coli, esse causam Dysenteriæ proximam, spasmumque effectum potius mobilitatis ejusdem membranæ existere. Quidam inflammatio-

nem hanc erisipelatosam crediderunt, at confitior hoc nullo fundamento mihi niti videtur. Nunquam enim dissectione vel in unum hujusmodi exemplum incidi, neque unquam vidi talis sententiæ fautorem qui se dissecando similem statum reperisse affirmaret.

#### RATIO INDICIORUM.

INTESTINA sunt admodum irritabilia et magna sentiendi facultate pollent, inflammata igitur membrana musculosa spasmo facile afficiatur, hinc fœces in Colo, sede scilicet morbi, præcipue retinentur, et tamen partibus tenuioribus resorptis indurantur, et irritando partes jam inflammatas et admodum sensiles, tormenta sæva excitant. Hinc facile intelligitur quare scybalis evacuatis, omnia signa plerumque levantur, non autem semper ex toto mitigantur, cum enim tunica villosa exeditur et inflamma-

tio multum intenditur, res blandissimæ tormina excitabunt; dejectiones sanguinolentæ aut sanguinis, a vasis sanguiferis exesis proveniunt. Canalis Alimentarius nonnunquam prætermodum distenditur, quia fatus ob spasmum descendere nequit; prolapsus ani ab iteratis ac violentis desidendi conaminibus oriri minime quidem mirandum est. Dysuria sive a consensu, quem contiguum vocant sive inflammatione recto in organa urinæ accommodata extendente, oriri potest.

### DIAGNOSIS.

*DIARRHÆA*, Dysenteriam incipientem adeo nonnunquam simulat, ut non semper facile distingui possunt. Hæc autem similitudo rara est, et discriminem brevi quidem inveniri potest, post paucos dies in Dysenteria fœces retinentur et raro nisi scybalorum forma dej-

ciuntur. Diarrhoea nonquam habet pyrexiam, tormina ac tenesmus leniora sunt et fœces alvinæ semper dejiciuntur.

*Enteritis* a Dysenteria per dolorem fixum pertinacem, per vomitum et alvum obduratam, per tormina et tenesmum sibi non præsentes, discriminari consuevit.

*Cholera Morbus*, vomitionibus biliosis copiosis, dejectionibus, cum surarum spasmatis sat superque denotatur. *Colica*, præterquam quod tenesmus absit, venter pertinaciter dura est, dolor circa umbilicum tantummodo tortuet, pressione levatus, contractionibus muscularum abdominis spasticis fere stipatus.


#### DE PROGNOSI.

JUDICIUM de diri hujus morbi eventu valde incertum et sæpe infelix sit, oportet, pluri-

mum enim periculi habet, præcipue in castris, ubi causa hujus mali potentissime valet, ubique plurima commoda, quæ ad faustam curationem multum conferunt, veluti vestimenta opportuna, stragula, plerumque desunt.

Periculum, cæteris paribus, videtur esse pro ratione vehementiæ indiciorum, ægriæ viribus; sin autem ille valde sit debilitatus, seu hujus, seu alijs morbi causa, metus eadem ratione intenditur. Ætate proiectiores, fœminæ, pueri multo rarius revalescunt, quam qui florente ætate vigent, quamquam milites juniores si regiones calidiores adeant, morbo facilius petuntur quam qui vitam ibi diu tollerarunt. Si brevi post remedia administrata signa leventur, si tormina ac tenesmus minuantur ac rarius recrudescent; si dejectiones sanguine non tingantur et copiosior evadant; si ægri vires haud insigniter frangantur, si somnus satis reficiat, et denique si febris levior fiat, cum miti sudore, exitum faustum

sperare licet. Contra, pyrexia vehemens, vomitio, dejectiones numero auctæ et solito minores, spumosæ, fœtidæ, vix tolerandæ, inscio ægro elabentes, tormina ac tenesmus aucta, pulsus debiles ac abnormes, abdominis tumor, petechiæ, delirium, convulsiones, animi deliquium, frigus extremarum, sunt signa pessimi ominis. Singultus quidem, morbo initio non adeo timendus est, sed finem versus, est pessimum signum et gangrænam indicat. Ardoris in abdomine sensus, et tormina immania subito cessantia instare mortem significant.



### PROPHYLAXIS.

DOLENDUM est, quod in locis ubi hoc horrendum malum sæpius occurrat, castris, inter prælia strepitusque armorum, præsidia quibus milites licet uti ad causas prædisponentes atque

excitantes præcavendas, tam impotenter vicis-  
situdines tempestatis, quibus vita laboriosa  
subjicit, iisdem defendant; neque mirum est,  
si fatigati, laboribus confecti, vel præsidia quæ  
in manu sunt aut negligunt aut omittunt.  
Multum tamen proficere possunt imperatores  
et ductores castra per loca sicca et perflata  
metando, ipsorum castrorum locum sæpe per-  
mutando, tentoria in dies ventilando. Lig-  
num comburendum ut vestimenta siccassat,  
præbendo, victui militum ejusque coctioni  
acriter invigilando, vestem denique laneum,  
vinculumve latum ejusdem naturæ sibi cir-  
cumdare cogendo.

~~~~~  
**CURA.**

QUUM fabricam delicatam partium morbo  
affectarum contemplamur, cum præterea quam  
nihili sæpe fiunt extremi conatus nostri ad  
gressum ejus impediendum recordamur, utilis

certe consideratio fiet, si docuerit morbum tantum superari posse per alacrem inter initia, vixque non temerariam curationem.

Necessitas maturati huc attendendi ab Ill.  
GEORGIO BAKER sic urgetur, “ Primo neglec-  
“ tus tractatu asperior occurrebat; etenim  
“ corpus extenuatum atque confectum ut  
“ morbo fervido impar erat, ita ipsi impar  
“ curationi. Itaque optimum erat occurrere  
“ ipsis principiis atque auxilia mature præri-  
“ pere. In hoc enim corpus affectu aliquod  
“ certi in medicina opus est, haud multum in  
“ natura beneficio.” Tædii nimium, utilita-  
tis parum afferret hic omnes Dysenteriæ cura-  
tiones variis temporibus in eam laudatas, si-  
gillatim exsequi: quæ dicturus sum igitur,  
intra remedia quæ tempus comprobaverit, qui-  
busve ex usu proprio vel aliorum magis fidere  
dedici, cohíbebitur.

*Vena sectio.*—Morbi indicia, signaque dis-  
sectione corporum patefacta, hanc naturaliter

ut remedium primarium, cui fidendum esset, indicaret; dum notio Pyrexiae contagiosæ, effectuumque ex hac debilitantium eandem pariter vetaret. Quod exempla Dysenteriæ levicula aliis quoque in modis curari possunt, dubitari non potest, atque longa experientia diversis in regionibus credere adducor, quod sanguinis missiones si maturius adhibitæ, neque Theoriis neque conjecturis restrictæ, atque eadem alacritate qua inflammationem partium robustiorum prosequimur, continuatæ essent, multa pauciora Dysenteriæ vetusta videremus exempla, atque fortasse non minus certo ipsæ malo proficerent. Donec hæc, ut æquum est, ampli tentatur nefas erit ab usu nimis arcto, aut a copia missa, qualis ad inflammationem leviorem æquo minor existimatetur, rem inauditum quasi condemnare. Commentarii Doctoris DONALDI MONRO de hac re diserti plurimos ab hinc annos me sententiam ejus et usum sequi adduxerunt, utilitas quidem hujus sub multis præclaris in ex-

ercitu Hispanico medicis, neque non sub nos-  
tris manibus, plusquam corroborat opiniones  
ejus, pleneque demonstrat, quod sanguinis  
missio non solum indicia mitigat, sed actionem  
medicamentorum aliorum, toto corpore relax-  
ato, non mediocriter adjuvat, neque raro mor-  
bum ipsum, medio quasi, abrumpit. Hanc  
dtractionem intra limites aliquos cohibere,  
difficile esset, vix quidem possibile, pulsus,  
ægri vires, dolor ex pressura signorumque  
aliorum vehementia, nos in hac re dirigere  
debent, atque ab his solis rebus repetitio ejus  
plus minus frequens omnino pendebit. Non-  
nihil proficere poterimus viii. vel xii. hirudi-  
nes abdomini admovendo, si hominis vigor  
nimis fatigatus dtractionem universam ferre  
non posse videatur, quod in Dysenteria sub  
alio morbo intercedente aliquando accidit.

*Cathartica.*—Quam minime de aliis remediis  
conveniat, hujus generis utilitas medicamento-  
rum ab omnibus admittitur, ideoque libera et

absoluta intestinorum depletio præcipitur enixè, quasi metu ipsa tangenda esset. Actio purgans bis terve alacriter instituta, vascula intestinorum præter ordinem impleta exonerans, ac sic irritamentum tollens, etiam per se Dysentericos leviores impetus sanare valebit. Purgationes tamen redintegrandæ sunt tertio quoque die, donec alvi functiones naturaliter se habeant. Quæ minus irritant præferantur, Oleum Ricini, vel sales medii probe diluti, citius et efficaciter operantur. Cum Dysenteria jam inveteraverit horum medicamentorum modi exigui sic dandi sunt, ut alvum emollient non depurgent.

*Vomitoria.*—Hæc quidam ad cœlum laudibus extulerunt, neque dubium est quin ventriculo onus levando, intestina deorsum movendo, humores simul in superficiem evocando, per utilia esse possunt. Effectus tamen duo posteriores, melius certiusque producuntur aliis in modis, atque cum emetica haud

raro mobilitatem ventriculi exasperant, parum  
commodi præbere hæc mihi videntur, nisi si  
ventriculus male onustus sit, cum a leve vomi-  
torio recte incipiamus.

*Diaphoretica et Sudorifica.*—Solacium, si  
quacunque de causa, cutis madefacta fuerit,  
quod Dysentericus percipit, argumentum non  
leve fit utilitatis horum remediorum. Tam-  
etsi, hic Doctori MOSELEY in tantum assentiri  
nolim, ut universa curatio his remediis fere  
solis permitteretur, attamen si cum sanguinis  
dtractione et purgantibus conjuncta sint, per  
primum vel excitatum Dysenteriæ tempus,  
nullis fere aliis medicamentis opus erit. Quum  
sanguinis satis fuerit detractum a sex ad de-  
cem Pulveris Ipecacuanhæ cum Opio grana  
hora unius aut alterius intervallo, assidue præ-  
benda sunt, potu aliquo diluta, donec sudor  
copiosus profluat, qui horas aliquot servandus  
est. Balneum calidum (ad 96 Fahrenheit)  
auxilium huic operis præsens est, in quod

sæpius confugiendum, intestina oblique perstringit; dolorem et tenesmum levans, actionemque purgantium præclare promovens.

*Hydrargyrus.*—Nunquam hoc solo remedio confisus, specificum quasi et invictum remedium extollere laudibus non possum; experientiam quam de eo in primis Dysenteriæ temporibus institui, ultra hæc exempla quibus Hepar morbosum intelligam, non extendi, atque vel in his a sanguinis missione semper incepi, atque decessio malorum eadem celeritate quo os ulceratum est me satis certum faciebat, id talibus in exemplis efficax admodum esse. Huc quoque non semel confugi, cum effectu satis prospero, ubi morbo jam vetustiore, jecinoris functiones aliquamdiu impeditæ fuerint, ubique omnia quæque remedia incassum tentata essent. Frictiones Hydrargyro vel Pilulæ Hydrargyri, leni purgante subinde, cum opiate quodam vespero adhibito, modus hoc administrandi potior mihi videtur. Hæc sevare oportet donec os internum leviter exulceratur.

*Opium.*—Tormenta quæ miserabilia Dysentericus patitur, saepe Opio vel Opiatis solum levanda sunt, quæ nunquam dari debent, donec libera et copiosa ventris depletio effecta sit, atque provectioni morbi gradui quam principio magis conveniunt. Opium utiliter sumi potest cum Diaphoretico quodam junctum, sicut in Pulv. Ipec. Comp. aut pulvere Jacobi etiam, ac Oleo Ricini mistum, cum alvum non (quod aliter fieret) constringit.

*Enemata.*—Enemata emollientia et ad libras tres vel quatuor indita, stercora duriora non-nunquam subducunt. Ex unciis sex octove Decociti Seminum Lini cum xl. guttas Tincturæ Opii mixtæ, commoda manifesta percepit. Tenesmus nonnunquam injectioni compositonis Balsami Copaibæ 5j. Mucilag. 3v j. propere cedit.

*Fomentationes, Exulcerationes.*—Tormina, saepe magnopere cruciantia fere multum alle-

vantur laneis ex Decocto Anthemidis Nobilis aut capitum Papaveris expressis magis, tamen vesicantibus abdomini superimpositis.

*Astringentia.*—His uti non possumus nisi morbo jam proiecto, cum dejectiones frequentes sunt; majores tamen, nullis fere terminibus aut tenesmus comitantibus, cumque profecto a laxo viscerum statu potius proveniunt. Optima sunt ex Kino, Hæmatoxylo Campechense, Catechu, Alumine, Zinco, quæ, mihi sæpe plus efficere per anum quam os inditavidentur. Dum vero hæc assumuntur, intestina vacuari jugiter oportet laxantibus. Cum autem gradus morbi chronicus inceperit vix ullo remedio fidendum est; neqne ullum ex malis tunc molestantibus notare potui, ad quod curantis consilium privatim dirigi oportet. Quum tamen remedia diversa et contraria bene profecerunt, æquum concludere videtur morbi conditiones talibus in exemplis toto cœlo inter se differre. Quum acor ven-

triculum occupavit, Pulv. Cret. Comp. Mist. Cret. Aqua Calcis opio conjuncta prosunt. Donec sanescit æger, Infus. Gentianæ, Columbæ vel cuiusvis amari levis vim stomacho et intestinis redintegrare potest. In primo Dysenteriae impetu, victus ex materia levissima esse, potu mucilaginoso præsertim, atque si vires indies extenuantur, aut si sanescere homo pergit, tum victus levis quidem sed nutritiens permittendus, vini quoque modicus usus adjuvabit. Cibus immodicus nimirum præcaveri requit, cum recidivam sæpiissime producat; exercitatione leni persistendum est quamprimum æger fieri potest, neque raro mutatio cœli vel navigatio Dysenteriam fere deploratam omnino solvit. Per totum morbi spatium vestitus commode densus atque fovens maxime opus est; immo corpus, more a Doctore DEWAR laudato, nunquam non circumvolvi debet. Conatus ad dejiciendum inanes nisusque vehementiores inter dejectiōnem ipsam magna diligentia sunt cohibenda.

Etiamsi protinus hoc ægri fit, postmodum tamen laboris premium probe rependet, tenes-  
mum cohibendo et temperando. Æris perfla-  
tus liber, lintea crebro commutata, quicquid  
offensæ ægro esse possit extemplo submotum,  
non minis utiliter quam sedulo observanda  
sunt.

FINIS.

l'humour d'aujourdhui et le bonheur  
d'autrefois. MÉMORIALS DE LA  
VIE DE L'ABBE D'ESPAGNY. PAR  
LE PÈRE JACQUES DE SAINT-  
GERMAIN. 1750.

## LACCINI

Caractères Humains. 1750.

1750.

## LAIGONNIER

**L**AMBERTUS ex invetatu et duplice posuisse. Ne  
dicitur gloriatur, nullum perdebat, quis fecerit  
utrumque. quodcumque deinceps ascensio  
-sibus idem autem causa manifestum est  
tibus, idemq; fragilem et cib

1750